



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 14. De reliquis beneficiorum divisionibus.

[urn:nbn:de:hbz:466:1-73045](#)

S. 14.

De reliquis beneficiorum divisionibus.

371 Cum jam in præmissis notaverimus, quando agimus de beneficiorum divisionibus, nomen *beneficii* à nobis sumi latè, ut expositum est n. 151. notandum ulterius ad præmissas beneficiorum divisiones, revocari primo etiam beneficia *patrimonialia*, secundò, beneficia *affecta*, *reservata*, *devoluta*; item *Vicarias*, *beneficia*, quæ requirunt *residentiam*, aut conferri debent *prævio concursu*, &c. &c. De beneficiis patrimonialibus diximus aliquid n. 300. sunt enim, illa, qua conferenda sunt sive liberè, sive ad presentationem, vel nominationem Patronorum iis, qui degunt in tali Provincia, vel Patria, Parochia, Civitate, vel Castro; quippe fundata vel à Parentibus, vel Majoribus eorum sub modo, seu onere, vi sue institutionis. V. dicta à num. 363.

372 Beneficium, cui Papa manum suam apponit, hoc est, cui ipse *facto aliquo* providet, *affectum* dicitur, & de his maximè agitur in Extravag. *Ad Romanos*. S. *Romanis*. *de prebend.* inter communes. Hæc affectio, seu manus appositio fit primò reservatione beneficij. Secundò, quovis actu reali, seu facto Papæ circa aliquid beneficium v. g. quando illud concedit in Commendam etiam temporalem, ut dixi à n. 269. vel cùm jure præventionis mandat alicui provideri de aliquo beneficio.

Finis autem, propter quem Pontifex beneficia afficit, seu manum suam apponit, solum est, ad effectum conferendi tale beneficium, seu ut illa conferat; Garcia p. 2. *de benefic. c. 1. n. 150.* quare, si alio fine manum apponit, non obinde beneficium manet effectum, seu pro tunc Pontifici reservatum; sic Garcia cit. Et ideo, quando illa provisio, ad cuius finem Pontifex beneficio manum apposuit, effectum sortita est, cessat *affectio* beneficij, sic Azor p. 2. l. 6. c. 34. q. 5. hinc, *affectio* est solum pro tempore limitato, nimis pro illa subsequenti provisione, Castropalaus p. 2. D. 2. p. 15. n. 4. Ex hoc colligitur, beneficium non manere effectum ex eo, quod Pontifex mandet beneficium *resignari* in favorem, vel habeat onus pensionis; nec ex eo, quod Pontifex illud curet provideri ex falsa relatione v. g. quod sit ei reservatum, vel libe-

rū cùm tamen non sit, sic Castropalaus cit.

Effectus hujus *affectionis* est, quod, quando alicui beneficio Papa, juxta dicta, manum suam apponit, nullus Papâ inferior circa talis beneficij provisionem se intromittere potest; differt autem à *reservatione*, quod hæc fiat *actu verbali*, illa etiam *reali*, & facilius tollatur *reservatione*, quæm *affectio*, ut notat Vivianus cit. l. 1. c. 1. n. 136. Ex quo vides, beneficia *affecta*, non esse propriæ *reservata*. *Reservatio* enim est perpetua *affectio*, solum ad tempus subsequentis provisionis, qua posita cessat *affectio*; sic Castropalaus *de benefic. tr. 13. D. 2. p. 15. n. 4.*

Quæstio ulterior est in hac materia, an 373 beneficium per *reservationem* evadat *affectum*? Affirmativam tenent Authores communiter, volentes, beneficium posse dupliciter *affectum* reddi: primò, per reservationem Papa, secundò, per appositionem manus, quæ contingit per signaturam supplicationis, per mandatum *de providendo*, ut dictum est, vel etiam per *actualem*, & gratiosam alicuius beneficij collationem, imò Garcia p. 5. *de benefic. c. 1. n. 138.* docet, per solum reservationis decre- tum, sive per solam constitutionem, irritantem secùs attenta, et si Papa ipso actu de beneficio vacante nihil disponat, beneficium manere *affectum*.

Altera quæstio est, an beneficium per *affectionem* evadat *reservatum*? R. negati- vè. 1. quia *affectio factis*, *reservatio, verbi* constituitur. 2. quia, *affectio* est solum temporanea, *reservatio* perpetua. 3. quia *affectio* est solum ad *effectum* *providendi* seu conferendi beneficium, *reservatio* fit etiam *ob alios fines* v. g. ut beneficium resignetur in favorem tertii.

Reservatio beneficij nihil aliud est, 374 quæm beneficij vacaturi ad se avocatio, hinc, quando Pontifex provisionem beneficij, cùm vacaverit, ad se avocat, adimen- do Collatoribus aliis facultatem de illo providendi, beneficium dicitur *Papæ re- servatum*. *Reservatio* alia est *generatis*, quæ reservatur provisio plurim beneficio- rum sub una ratione communi v. g. bene- ficia *Ecclesie Cathedralis* beneficia *va- cantia apud Sedem*, vel *certis mensibus*: Alia est *specialis*, quæ reservantur certa so- lüm beneficia, vel pro certis tantum per- sonis. Rursum alia est *reservatio incorpore juris*

juris clausa, nimirum in 6. libris decret. & Clementis contenta: Alia, quæ habetur *extra corpus juris*, nimirum in aliis constitutionibus Extravag. in decretis & in reg. Cancellaria; sic Azor p. 2. l. 6. cap.

34. q. 4.

375 Quæstio est, quot dentur reservationes in corpore juris? scilicet à nonnullis Doctoribus numerari quinque; primam in Extravag. *Ex debito de elect. & in Extravag. ad Regimen. de præbend. secundam*, quæ habetur in Extravag. *Execrabilis de præbend. tertiam*, quæ est de beneficiis devolutis ob negligentiam Praelatorum; *quartam*, quæ habetur c. 1. & 2. ut lite pendente, de beneficio litigatoriis: *quintam*, quæ est de beneficiis exemptionis, & Papæ subjectis per. 7. q. 1. c. mutationes; item per c. licet, c. inter corporalia, de translat. Episcopi, & Clem. en plenisque de elect. his annumerant aliam, quæ est de beneficiis affectis, per Extravag. Romani, de præbend. inter communies.

Verum alii reservationes factas per Extravagantes reputant extra corpus juris; sic Azor p. 2. l. 6. c. 34. q. 4. Garcia de benefic. p. 5. c. 1. num. 142. & alii deinde reservatio in Extravag. ex debito, & ad Regimen, fuit solum temporaria ad vitam Pontificis, ut not. Castropalaus tr. 13. D. 2. p. 15. n. 3. reservatio in Extravag. Execrabilis, est potius privatio, quam reservatio; cum sit in pœnam delicti; beneficia vero devoluta, non jure reservacionis, sed deviationis providentur; beneficium litigiosum provisio, non reservatur; sed solum suspenditur ad tempus litis, exempta, competit Papæ jure Ordinationis, non, reservationis; affecta vero non recte dicuntur reservata ex n. 373. hinc Azor, Garcia cit. & alii, colligunt, dari tantum unam reservationem in corpore juris clausam, nimirum illam, quæ habetur c. 2. & c. presenti, de præbend. in 6. Sed de his ex professo dicemus in seqq.

376 Quæstio autem est, an beneficiorum reservatio sit favorabilis, vel odiosa? esse favorabilem, docet Gonzalez; sed rectius odiosam dicit Castropalaus cit. p. 2. D. 2. p. 15. num. 5. Nam illa restrin-

git concessionem favorabilem Ordinariis, ut ipsi conferant beneficia suæ dioecesis: Lex enim, cuius materiam, obligatis illam observare, odium & rigorem continet, absolutè odiosa est, non favorabilis; sic ille in fine.

Beneficium *devolutum* est, cuius conferendi potestas ab Ordinario Collatore (quod intra tempus à jure præscriptum, nulli contulerit, cum debuisset) ad Superiorum devolvitur. Beneficia enim conferenda sunt ab eo (ad quem spectat provisio), intra sex menses, c. nulla 2. §. cum autem, de præbend. Nam dilatio est Ecclesiæ dannosa, & animabiles perniciosa c. quam fit 6. de elect. in 6. Et hæc constitutio procedit non tantum in collationibus, sed etiam electionibus in beneficiis Regularibus c. dilectus 12. de præbend. imo etiam in hospitalibus, conferri solitis in titulum; non autem, in Prælaturis principalibus Ecclesiarum Cathedralium, & Regularium. Nam hæ ultra tres menses vacare non debent, propter maius periculum; c. ne pro defecdu. 41. de Elect. Sed de ejusmodi beneficiis ex professo agemus suo loco inserius.

Vicarius, seu *Vicaria* est beneficium, in quo alicui invicem alterius, cui substituitur, constitutum est jus percipiendi redditus Ecclesiasticos propter Officium Spirituale, vel in perpetuum, vel ad tempus. *Vicaria* enim alia est perpetua, alia temporalis, & ideo, in utroque iure exstat titulus de *Officio Vicarii*. Vicarius *perpetuus* dicitur, qui Authoritate Episcopi, & Canonica institutione delectus, alicui sufficitur in Ecclesia parochiali, cum certa ex annexis Ecclesia proventibus portione, tanquam laboris, & operæ mercede, ut dicitur c. *Extirpande, de præbend. §. qui vero & in c. ad hoc, de Offic. Vicar.* Vicarius autem *temporalis*, qui alicuius Authoritate in alterius locum sufficitur ad tempus, ac ad nutum ejus, qui ipsum substituit, revocari potest; plura de his V. in seqq. tum etiam lib. I. tit. 2. 8. de Offic. Vicarii: de beneficiis porro, quæ requirunt residentiam in Beneficio, diximus tit. 4. 4 num. 303. de his, quæ conferri debent per concursum, dicemus infra.